



Na osnovu člana 64. stav (1) tačka b) i člana 70. Zakona o javnim nabavkama („Službeni glasnik Bosne i Hercegovine“ broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH br. 50/07, 33/09, 24/13 i 32/14), na preporuku Komisije za javnu nabavku od 29.10.2018. godine, Centralna izborna komisija Bosne i Hercegovine je na 75. sjednici održanoj 29.10.2018. godine, donijela

ODLUKU
o izboru najpovoljnijeg ponuđača

- (1) Okvirni sporazum o nabavci usluga zakupa multifunkcionalnih kopir aparata za potrebe provođenja Opštih izbora 2018. godine dodjeljuje se ponuđaču „Konica Minolta poslovna rješenja BH“ d.o.o. Sarajevo, Azize Šaćirbegović br. 1., 71 000 Sarajevo.
- (2) Ocjenjeno je da je ponuda ponuđača iz stava 1. ove odluke u skladu sa kriterijima i specifikacijom utvrđenim u tenderskoj dokumentaciji i da ponuđena cijena u iznosu od **0,030 KM bez PDV, odnosno 0,0351 KM sa PDV u okviru iznosa sredstava osiguranih za predmetnu nabavku.**
- (3) Ponuđaču iz stava 1. ove odluke, će biti dodjeljen **okvirni sporazum na period od dvije (2) godine** u skladu sa elementima iz Ponude, uslovima i kriterijima utvrđenim u tenderskoj dokumentaciji.
- (4) Ova odluka stupa na snagu danom donošenja.

Obrazloženje

Postupak javne nabavke usluga zakupa multifunkcionalnih kopir aparata za potrebe provođenja Opštih izbora 2018. godine proveden je putem pregovaračkog postupka bez objavljivanja obavještenja o nabavci broj: 07-2-16-3-1286-1/18 od 25.10.2018. godine koji je objavljen na web stranici Centralne izborne komisije BiH 25.10.2018. godine i isti upućen na adresu „Konica Minolta poslovna rješenja BH“ d.o.o. Sarajevo.

Komisija za javne nabavke imenovana Odlukom broj: 07-1-16-3-1286-2/18 od 25.10.2018. godine izvršila je pregled i ocjenu početne i konačne ponude dostavljene od strane samo jednog ponuđača „Konica Minolta poslovna rješenja BH“ d.o.o. Sarajevo. Nakon što je ocjenjeno da je ovaj ponuđač kvalificiran obavljani su pregovori 26.10.2018. godine tokom kojih je konstatovano da je cijena početne ponude i konačna. Stoga je ovaj ponuđač pozvan da dostavi konačnu cijenu ponude. Komisija je sačinila Zapisnik o pregledu i ocjeni početne i konačne ponude u ovom postupku broj: 07-2-16-3-1286-11/18 od 29.10.2018. godine, u kome je konstatovala i uputila preporuku Centralnoj izbornoj komisiji Bosne i Hercegovine za izbor ponude „Konica Minolta poslovna rješenja BH“ d.o.o. Sarajevo i zaključenje okvirnog sporazuma na period od dvije (2) godine za nabavku usluga zakupa multifunkcionalnih kopir aparata za potrebe provođenja Opštih izbora 2018. godine, jer su ponuda i ponuđena cijena nabavke u iznosu od **0,030 KM bez PDV, odnosno 0,0351 KM sa PDV u okviru osiguranih sredstava za predmetnu nabavku.**

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od deset (10) dana od dana prijema ove odluke.

Broj: 07-2-16-3-1286-14/18
Sarajevo, 30.10.2018. godine

Dostavljeno:

1. Ponuđaču
2. Odsjeku za materijalno finansijske poslove
3. Na internet stranicu CIK BiH www.izbori.ba
4. A/a



Predsjednik

Branko Petrić